

金堂縣志

地 280.15
35
: 110



金堂縣志卷五 人民部中

選舉志 鄉賢附

薦辟

科第 併副貢

援例

行伍

稽古疇咨庸命師錫有鰥使宅百揆僉曰伯禹其進賢由
薦舉也元纁玉帛以禮莘野夢兆形求用拔傅巖其進賢
由徵聘也沿及成周造士於學校鄉先論其秀者升諸司

金堂縣志

卷五

選舉

一

徒司徒論其秀者升諸學曰俊士大樂正論其秀者升於
司馬曰進士於是鄉舉里選之典隆焉漢興取士科目無
定在學校則有明經茂才在郡國則有賢良孝廉而又嚴
不舉賢之罰自公卿至郡縣皆得自辟掾屬得薦士於天
子故士修於家者獲與科舉之賢同歸擢用蓋猶得鄉舉
里選遺意也隋唐而後科目之制行始特重明經進士專
尚詞章於是論者乃多以臆見是彼而非此予謂國家之
法因時制宜薦辟者先王之成憲科目者後王之典章何
代不生才何才不資世專用薦辟則人才由薦辟而升專



用科目則人才由科目而出所重之勢則然無足議者金
堂科第白

國初取士以來鳳起蛟騰英賢接踵固已一一書之矣上
溯宋明之世代有偉才今雖文獻鮮徵而蒐羅所及亦足
光諸簡冊至漢晉時薦辟人物以曩昔地名而論似在所
佚然名號攸殊疆土未改後之金堂卽昔之新都牛鞞地
也人傑者地之靈要非掠美于鄰封何妨仍其舊縣而並
紀之若夫薦辟科第而外又有援例行伍諸途類皆

國家拔用人材之典蓋升俊儲楨不拘一格令甲所昭允

金堂縣志

卷五

選舉

二

宜詳明採輯焉作選舉志

歷代選舉考

唐取士有秀才明經俊士進士明法明書明算一史三
史開元禮道舉童子諸科而明經之別有五經二經學
究一經三禮三傳史科凡由學館者曰生徒蓋肄業於
國子太學四門學律學書學算學六學者也每歲仲冬
州縣館監舉其成者送之尙書而進退之其由州郡者
曰鄉貢蓋不由學館懷牒自列於州郡州郡試已則會
鄉飲而歌鹿鳴送考功而覆試之而惟明經進士二科

獨盛明經先試帖文通者然後口試問大義十條答時務策三道五經通者爲及第有甲乙丙丁四科等進士試時務策五道帖一經全者爲甲第通四者爲乙第後復加詩賦德宗朝乃代以議論贊表每歲放榜三四十人而已此唐科目之大凡也

宋設科因唐舊有九經五經開元禮三史三禮三傳學究明法諸科亦惟重進士明經科皆秋取解冬集禮部春者試合格及第者列名放榜尙書省不第者仍俟秋解歲以爲常其試進士詩賦雜文各一首策五道帖論

金堂縣志

卷五

選舉

三

語十帖春秋或禮記墨義十條試諸科九經書一百二十帖對墨義十六條五經帖書八十帖對墨義五十條三禮對墨義九十條三傳一百一十條開元禮三史各對三百條學究科毛詩對墨義五十條論語十條爾雅孝經共十條周易尚書各二十五條明法科對律令四十條兼經並用毛詩之制各間經引試通六爲合格仍抽卷問律本科則否本州以判官試進士錄事參軍試諸科見任官應舉號鎖廳試所屬先以名聞得旨乃解凡就試惟詞賦者許持切韻玉篇而稽版籍察素行嚴

互保連坐之法挾書口授有禁則通諸科皆然覆試殿
試始於開寶中欲得真才精於遴選也殿試加論榜分
三甲皆始於太平興國間嘉祐二年興殿試者始免黜
落治平始定三年一開科至神宗始罷諸科併於進士
熙寧四年始頒經義式取士而殿試專以策分五甲焉
識者是之以爲雖不若慶歷科舉新法之善亦百世不
刊令典也其曰特奏名者開寶三年詔貢士十五年終
場者禮部以名聞各賜本科出身特奏名恩例自此始
自後進士科及諸科不中閱貢籍經十五舉以上終場

金堂縣志

卷五

選舉

四

者試論一道皆至本科出身眞宗咸平三年又詔禮部
凡士貢於鄉而屢屈於禮部或廷試所不錄者積前後
舉數參其半而差等之遇親策士別籍名徑奏許附試
仁宗景祐以後南省就試進士五舉年五十諸科六舉
年六十嘗經殿試進士三舉諸科五舉雖試文不合格
毋輒黜皆以名聞謂之特奏名者以別於正奏名進士
也其制分五等授助教文學有差若國子生初以京朝
七品以上子孫應蔭者爲之太學生初以八品以下及
庶人子孫之俊異者爲之試藝如進士法神宗熙寧四

年立三舍法生員釐爲三等始入太學爲外舍外舍升內舍內舍升上舍上舍生積較已優舍試又入優等則免發解及禮部試賜第命以京秩謂之兩優釋褐故元豐中上舍得免秋解宣和中推行舍法於諸路州縣有免解進士此宋科目之大凡也

元初太祖用耶律楚材言以科甲選士世祖定天下王鶚獻計許衡立法事不果行至仁宗皇慶二年始詔賓興賢能罷博學宏詞崇設進士科由行省鄉試次年禮部會試每榜分蒙古色目人爲左榜漢人南人爲右榜

金堂縣志

卷五

選舉

五

而試目各殊鄉試以八月二十一六日各照地方額選合格者三百人每色七十五人會試以次年二月初一三五人日取中選者百人每色二十五人以三月初七日御前親試進士不滿百人其試目初場試經疑二問經義一道二場古賦詔誥表章內科一道三場試策一道皆三歲一舉行外此又有選於宿衛勲臣之家者此元科目之大凡也

明朝罷詞賦專以四書經義論策取士革明經宏詞諸科專存進士一科與薦舉歲貢三途並用而得人亦以

進士爲盛凡士之應試者中鄉試式赴京會試再中式則殿廷親試之傳臚賜宴然後成進士洪武初始開科舉以秋八月鄉試明年春二月會試至十七年頒行科舉式定以子午卯酉爲鄉試期辰戌丑未爲會試期第一場試四書義三道經義四道令深於義之文二場試論一道觀博約之致判語五條詔誥表內科一道觀王體國之法三場試經史時務策五道觀經世之略蓋欲酌文質之中而用焉考宋鄉舉爲漕試謂之發解第階之解送南宮省試耳省試合格然後正奏名而殿試而

黜者仍多凡落第舉人須再舉未階以入仕也及累舉不第然後有推恩焉謂之特奏名不復繫鄉舉矣元朝亦然至明則鄉舉卽出身宰邑蓋一代之新制也鄉舉而外有恩貢有選貢有例貢皆間一舉行之歲貢則自洪武十六年始令天下府州縣學歲貢生員各一人至京翰林院試經書義各一道判語一條中式者入國子監肄業二十一年令府學一年州學二年縣學三年各貢一人二十五年令府學一年貢二人州學二年貢三人縣學一年貢一人正統六年定例府學一年貢一人

州學三年貢二人縣學二年貢一人著爲令至宣德八
年令天下生員年四十五以上者考選貢國子監天順
五年令天下廩膳廣生員年四十以上者考選貢國子
監則特詔而非以爲例也若夫自宋至明初國制甚隆
重則國子生是也明太祖欲尊顯諸生凡入太學日久
令其歸省賜二親帛各四端又令攜妻孥來月與錢粟
不惜費諸保息有堂調視有醫賜予有特恩卹喪有著
令愛養之至矣當是時國學生非強學登科必通經積
分至於十餘載升上館乃使歷事得銓選京職方面與

進士等歲貢生必入監舉人下第亦入監制何重也其
後進士科日重舉人下第者冀後舉引他故自便不以
時入監歲貢生衰頓願就教爲祿仕計其入監者十無
三四鮮有儁才及景泰三年邊警始令生員納粟馬得
充監廩滿一體注選效用焉此明科目之大凡也

自隋矯魏晉門第之弊設科取士爲茅屋韋裳吐氣後
世因之如春官試自唐元宗始殿試自武后始設銜棘
闈自楊浚始糊名易書自宋淳化祥符間始唱名及第
自梁灝始瓊林賜宴自王世則始另委官主試自明永

樂始各省遣官主試自嘉靖始其制曰慎重周詳而與才亦日出豐功偉績史冊彌光朱文公云科舉非能累人人自累乎科舉洵平允之論也我朝

列聖相承闢門籲俊念切旁求凡天下府廳州縣靡不設學崇正黜邪既有以端士習矣而重科目之制慎選文衡鼓舞士氣故鄉舉里選進於

朝廷類多風虎雲龍出而應昌期景運棫樸菁莪頌於成周者再賡於今日夫豈唐宋元明所可同日語哉

薦辟

金堂縣志

卷五

選舉

八

西漢

楊仲續 續一作績本河東人舉方正爲郡令後家新都詳見益都耆舊傳

益都耆舊傳

楊統字仲通祖父仲續舉河東方正拜郡令甚有德惠人爲立祠樂益部風俗因留家新都代修儒學以夏侯尚書相傳

楊春卿 仲續子善圖識爲公孫述將蜀平自殺以其學授子統

東漢

楊統 春卿子字仲通嫻圖讖河洛及天文推步之術

明帝永平中舉方正為掾章帝律中官彭城令後遷侍
中年九十卒著家法章句及內讖解說二卷詳華陽國志

華陽國志主女讚

晉常璩道將

楊統字仲通新都人也事華里先生炎高高戒統曰漢
九世王出圖書與卿適應之律武初天下求能通內讖
二卷者不得永平中刺史張志舉統方正司徒魯恭辟
掾與恭共定音律上家法章句及二卷解說遷侍中光

金堂縣志

卷五 選舉

九

祿大夫以年老道深養於辟雍授几杖為三老卒內讖
二卷竟未詳

蜀書 節錄

晉袁山松

統在縣休徵時序風雨得節嘉禾生於寺舍人庶稱神
也

楊博 統長子字仲達官至祿大夫

張子陽 王象之輿地碑日記 幽州刺史荊太守張
子陽碑在唐化鎮沿江五里許 子陽墓漢順帝永建四

年造

李 尤 字伯仁後漢書華陽國 心俱作雒人通志作新
都人未詳所本和帝時官蘭臺令 女帝時遷諫議大夫順
帝時遷樂安相著漢紀及詩賦銘 誄頌七歎哀典等若干
篇詳見後漢書及華陽國志

後漢書文苑傳

晉范曄蔚宗

李尤字伯仁廣漢雒人也少呂文章顯和帝時侍中賈
逵薦尤有相如揚雄之風召詣東觀受詔作賦拜蘭臺
令史稍遷安帝時爲諫議大夫受詔與謁者僕射劉珍
等撰漢記後帝廢太子爲濟陰王尤上書諫爭順帝立

金堂縣志

卷五

選舉

十

遷樂安相年八十三卒所著詩賦銘誄頌七歎哀典凡
二十八篇尤同郡李勝亦有文才爲東觀郎著詩誄頌
論數十篇

華陽國志士女讚

常璩

李尤字伯仁侍中賈逵薦尤有相如揚雄之才明帝召
作東觀辟雍德陽諸觀賦銘 戎頌百二十銘著政事
論七篇帝善之拜諫議大夫 安相後與劉珍共撰漢

紀

楊 厚 博翁字仲桓華陽國志厚作序誤性孝友清圖

識學安帝永初二年除中郎免歸州郡舉方正有道皆
不就順帝永建二年徵拜議郎遷侍中後因梁冀專政
遂稱病辭去教授門徒三千餘人質帝本初元年及桓
帝建和三年特詔徵聘俱不至年八十餘卒諡曰文父
詳見後漢書及華陽國志

後漢書楊厚傳

范曄

楊厚字仲桓廣漢新都人也祖父春卿善圖讖學爲公
孫述將漢兵平蜀春卿自殺臨命戒子統曰吾緇麥中
有先祖所傳祕記爲漢家用爾其修之統感父遺言服

金堂縣志

卷五

選舉

士

闕辭家從犍爲周循學習先法又就同郡鄭伯山受河
洛書及天文推步之術建初中爲彭城令一州大旱統
推陰陽消伏縣界蒙澤太守宗湛使統爲郡求雨亦卽
降澍自是朝廷災異多旨訪之統作家法章句及內讖
二卷解說位至光祿大夫爲國三老年九十卒統生厚
厚母初與前妻子博不相安厚年九歲思令和親迺託
疾不言不食母知其旨瞿然改意恩養加篤博後至光
祿大夫厚少學統業精力思述初安帝永初二年太白
入北斗洛陽大水時統爲侍中厚隨在京師朝廷旨問

統統對年老耳目不明子厚曉讀圖書粗識其意鄧太后使中常侍承制問之厚對曰爲諸王子多在京師容有非常宜亟發遣各還本國太后從之星尋滅不見又剋水退期日皆如所言除爲中郎太后特引見問曰圖讖厚對不合免歸復習業隸爲不應州郡三公之命方正有道公車特徵皆不就永建二年順帝特徵詔告郡縣督促發遣厚不得已行到長安呂病自上因陳漢三百五十年之厄宜蠲法改憲之道及消伏災異凡五事制書褒述有詔太醫致藥大官賜羊酒及至拜議郎三

遷爲侍中特蒙引見訪曰時政四年厚上言今夏必盛寒當有疾疫蝗蟲之害是歲果六州大蝗疫氣流行後又連上西北二方有兵氣宜備邊寇車駕臨當西巡感厚言而止至陽嘉三年西羌寇隴右明年烏桓圍度遼將軍耿晷永和元年復上京師應有水患又當火災三公有免者蠻夷當反畔是夏洛陽大水殺千餘人至冬承福殿災太尉龐參免荆交二州蠻夷賊殺長吏寇城郭又言陰臣近戚妃黨當受禍明年宋阿母與宦者裒信侯李元等遭姦廢退後二年中常侍張達等復也

罔大將軍梁商專恣悉伏誅每有災異厚輒上消救之法而闈宦專以言不得信時大將軍梁冀威權傾朝遣弟侍中不疑昌車馬珍玩致遺於厚欲與相見厚不答固稱病求退帝許之賜車馬錢帛歸家修黃老教授門生上名錄者三千餘人太尉李固數薦言之本初元年梁太后詔備古禮昌聘厚遂辭疾不就建和三年太后復詔徵之經四年不至年八十二卒於家策書弔祭鄉人謚曰文父門人爲立廟郡文學掾史春秋饗射常祠之

金堂縣志

卷五 選舉

三

華陽國志士女讚

常璩

楊序字仲桓統仲子也道業侔父三司及公車連徵辭拜侍中上言四方反荆揚交州當兵起人民疫蝗洛陽大水宮殿當災三府當免近戚謀變皆劾驗大將軍梁冀秉權自退去授門徒三千人本初元年及建和中特徵聘不行年八十三卒天子痛惜詔謚曰文父弟子雒昭約節宰綿竹尅懼文儀蜀郡何萇幼正侯昕升伯巴郡周舒叔布及任安董扶等皆徵聘辟舉馳名當世

翟醜 字子超後漢書作維人通志作新都人未詳所

本仕郡徵拜議郎遷侍中詔試第一拜尙書安帝延光三年出爲酒泉太守遷京兆尹順帝初拜光祿大夫遷將作大匠以忤權貴罷歸卒於家著援神鉤命解詁十二篇詳見後漢書

後漢書翟醜傳

范曄

翟醜字子超廣漢雒人也四世傳詩醜好老子尤善圖緯天文歷算呂報舅讐當徙曰南亾於長安爲卜相工後牧羊涼州遇赦還仕郡徵拜議郎遷侍中時尙書有缺詔將大夫六百石呂上試對政事天文道術呂高第

金堂縣志

卷五 選舉

十四

者補之醜自恃能高而忌故太史令孫懿恐其先用乃往候懿旣坐言無所及唯滄泣流連懿怪而問之醜曰圖書有漢賊孫登將呂才智爲中官所害觀君表相似當應之醜受恩接悽愴君之禍耳懿憂懼移病不試由是醜對第一拜尙書時安帝始親政事追感祖母宋貴人悉封其家又元舅耿寶及皇后兄弟閻顯等並用威權醜上疏諫曰臣聞微子佯狂而去殷叔孫通背秦而歸漢彼非自疎其君時不可也臣荷殊絕之恩蒙值不諱之政豈敢雷同受寵而呂戴天履地伏惟陛下應天

履祚歷值中興當建太平之功而未聞致化之道蓋遠者難明請曰近事徵之昔竇鄧之寵傾動四方兼官重綬盈金積貨至使議弄神器改更社稷豈不曰執尊威廣曰致斯患乎及其破壞頭顱墮地願爲孤豚豈可得哉夫致貴無漸失必暴受爵非道殃必疾今外戚寵幸功均造化漢元曰來未有等比陛下誠仁恩周洽曰親九族然祿去公室政移私門覆車重尋寧無摧折而朝臣在位莫肯正議翕翕訾訾更相佐附臣恐威權外假歸之良難虎翼一奮卒不可制故孔子曰吐珠於澤誰

能不含老子稱國之利器不可曰示人此最安危之極戒社稷之深計也夫儉德之恭政存約節故文帝愛百金於露臺飾帷帳於阜囊或有譏其儉者上曰朕爲天下守財耳豈得妄用之哉至倉穀腐而不可食錢貫朽而不可校今自初政曰來日月未久費用賞賜已不可算斂天下之財積無功之家帑藏單盡民物彫傷卒有不虞復當重賦百姓怨叛旣生危亂可待也昔成王之政周公在前召公在後畢公在左史佚在右四子挾而維之目見正容耳聞正言一日卽位天下曠然言其法

度素定也今陛下有成王之尊而無數子之佐欲致太平其可得乎自去年呂來災譴頻數地坼天崩高岸爲谷修身恐懼則轉禍爲福輕慢天戒則其害彌深願陛下親自勞郵研精致思勉求忠貞之臣誅遠佞諂之黨捐玉堂之盛尊天爵之重割情欲之歡罷宴私之好帝王圖籍陳列左右心存亾國所呂失之鑒觀與王所呂得之庶災害可息豐年可招矣書奏不省而外戚寵臣咸畏惡之延光三年出爲酒泉太守叛羌千餘騎徙燉煌來鈔郡界醜赴擊斬首九百級羌衆幾盡威名大震

金堂縣志

卷五

選舉

六

遷京兆尹順帝卽位拜光祿大夫遷將作大匠損省經用歲息四五千萬屢因災異多所匡正由是權貴共誣醜及尙書令高堂芝等交通屬託坐滅死歸家復被章云醜前與河南張楷等謀反逮詣廷尉及杜真等上書訟之事得明釋卒於家著援神鉤命解詁十二篇初醜之爲大匠上言孝文皇帝始置五經博士武帝大合天下之書而孝宣論六經於石渠學者滋盛弟子萬數光武初興愍其荒廢起太學博士舍內外講堂諸生橫卷爲海內所集明帝時辟雍始成欲毀太學太尉趙熹曰

爲太學辟雍皆宜兼存故並傳至今而頃者頽廢至爲
園採芻牧之處宜更修繕誘進後學帝從之醜免後遂
起太學更開拓房室學者爲醜立碑銘於學云

董扶字茂安後漢書華陽國志目錄俱作綿竹人蜀
志新都縣多名士有楊厚董扶未詳孰是靈帝時徵拜侍
中後爲蜀郡屬國都尉遂去官還家年八十二卒詳見後
漢書及華陽國志

後漢書方術傳

范曄

董扶字茂安廣漢綿竹人也少遊太學與鄉人任安齊

金堂縣志

卷五

選舉

七

名俱事同郡楊厚學圖讖還家講授弟子自遠而至前
後宰府十辟公車三徵再舉賢良方正博士有道皆稱
疾不就靈帝時大將軍何進薦扶徵拜侍中甚見器重
扶私謂太常劉焉曰京師將亂益州分野有天子氣焉
信之遂求出爲益州牧扶亦爲蜀郡屬國都尉相與入
蜀去後一歲帝崩天下大亂乃去官還家年八十二卒
後劉備稱天子於蜀皆如扶言蜀丞相諸葛亮問廣漢
秦宓董扶及任安所長宓曰董扶襄秋臺之善貶織芥
之惡任安記人之善忘人之過也

華陽國志士女讚

常璩

董扶字茂安初應賢良方正詣京師宰府十辟公車三徵再舉有道為侍中觀漢將亂求為屬國還蜀

王累為劉璋從事以諫迎昭烈自刎詳見華陽國志

華陽國志士女讚

常璩

王累新都人也州牧璋從別駕張松計遣法正迎先主主簿黃權諫不納累為從事以諫不入乃自刎州門以明不可

張任通志作新都人為劉璋將性忠義建安十九年

金堂縣志

卷五

選舉

六

昭烈破雒城任不屈死詳見益部耆舊雜記

益部耆舊雜記

劉璋遣張任劉瓚率精兵拒捍先主於涪為先主所破退與璋子循守雒城任勒兵出於雁橋戰復敗禽任先主聞任之忠勇令軍降之任厲聲曰老臣終不復事二主矣乃殺之先主歎息焉

王恂字少林初為大度亭長後舉茂才官郿令詳見後漢書

後漢書獨行傳

范曄

王忱字少林廣漢新都人也忱嘗詣京師於空舍中見一書生疾困憇而視之書生謂忱曰我當到洛陽而被病命在須臾腰下有金十斤願以相贈後乞藏骸骨未及問姓名而絕忱卽鬻金一斤營其殯葬餘金悉置棺下人無知者後歸數年縣署忱大度亭長初到之日有馬馳入亭中而止其曰大風飄一繡被復墮忱前忱白縣縣曰歸忱忱後乘馬到雒縣馬遂奔走牽忱入他舍主人見之喜曰今擒盜矣問忱所由得馬忱具說其狀并及繡被主人悵然良久乃曰被隨旋風與馬俱亡卿

何陰德而致此二物忱自念有葬書生事因說之并道書生形貌及埋金處主人大驚號曰是我子也姓金名彥前往京師不知所住何意卿乃葬之大恩久不報天曰此彰卿德耳忱曰被馬還之彥父不取又厚遺忱忱辭讓而去時彥父爲州從事因告新都令假忱休自與俱迎彥喪餘金具存忱由是顯名仕郡功曹州治中從事舉茂才除郿令到官至繁亭繁音台亭長曰亭有鬼數殺過客不可宿也忱曰仁勝凶邪德除不祥何鬼之避卽入亭止宿夜中聞有女子稱寃之聲忱呪曰有何枉

狀可前求理乎女子曰無衣不敢進愧便投衣與之女
子乃前訴曰妾夫爲涪令之官過宿此亭亭長無狀殺
妾家十餘口埋在樓下悉盜取財貨愧問亭長姓名女
子曰卽今門下游徼者也愧曰汝何故數殺過客對曰
妾不得白日自訴每夜陳寃客輒眠不見應不勝感恚
故殺之愧曰當爲汝理此寃勿復殺良善也因解衣於
地忽然不見明旦召游徼詰問具服罪卽收繫及同謀
十餘人悉伏辜遣吏送其喪歸鄉里於是亭亭遂清安
益都耆舊傳

金堂縣志

卷五

選舉

三

大度亭民謠云信哉少林世爲遇飛被走馬與鬼語

諒

輔字漢儒爲郡五官掾詳見後漢書

後漢書獨行傳

范曄

諒輔字漢儒廣漢新都人也仕郡爲五官掾時夏大旱
太守自出祈禱連日而無所降輔乃自暴庭中呪曰輔
爲股肱不能進諫納忠薦賢退惡和調陰陽承順天意
至今天地否隔萬物焦枯百姓嗚嗚無所訴告咎盡在
輔今郡太守改服責已爲民祈福精誠懇到未有感徹
輔今敢自祈請若日中不雨乞以身自焚未及日中而

天雲晦合澍雨均沾世以此稱其志誠

段 恭 字節英士女志作雜人目錄作新都人未詳孰是明天文為上計掾詳見華陽國志

華陽國志士女讚

常 璩

段恭字節英雜人也少周流七十餘郡求師受學經三十年凡事馮翊駱異孫泰山彥之章渤海紀叔陽遂明天文二卷東平虞叔雅學絕高當世遂游於蜀恭以朋友禮待之後為上計掾會有司劾太尉龐參兼舉茂才孝廉參性忠正亮直為貴戚所擯以恚發病遠近稱寃

全堂縣志

卷五

選舉

三

恭不能耐其狂亢疏表參忠直不當以讒佞傷毀忠正帝悟即日召西曹掾問疾尋羊酒慰勞參忠

楊 斌 以忠義壯聞

楊 混 斌子與父皆有證明君事失其官位以上二八出處未詳然云失其官位則已仕可知

汝 敦 舉孝廉出處未詳

梁

張僧繇 初本邑人工畫事居雲頂山寺側武帝天監中為右將軍蓋挾技游吳因以得官世遂以為吳人也詳山

川志

宋

黃敏 大中祥符五年為懷安軍助教詳官師志

賈仲武 子坤子以父死難襲職詳下科第

科第

宋

錢良 大中祥符中鄉貢進士

張正 天聖八年庚午科進士王拱榜歷官太常卿今

通志作簡州人

金堂縣志

卷五

選舉

三

張公岳 慶歷六年丙戌科進士賈黯榜

錢袞 慶歷六年丙戌科進士賈黯榜以上二人今通

志並作仁壽縣人

章辟光 皇祐中進士

章辟疆 皇祐中進士

楊詡 皇祐中進士

李琪 皇祐中進士

馮越 皇祐中進士

李慎思 皇祐中進士

吳靖 皇祐中進士

王莊 皇祐中進士

費琦 皇祐中進士以上九人俱見通志查學宮雁塔

題名並不載

張公紀 正子皇祐二年庚寅科進士章惇榜官至太常

少卿

楊方嘉 皇祐二年庚寅科進士章惇榜

蹇綬 皇祐五年癸巳科進士鄭獬榜

李奕 治平四年丁未科進士許安世榜今通志作華

金堂縣志

卷五

選舉

三

陽縣人

羅鼎臣 元豐二年庚申科進士申時彥榜今通志作羅

鼎無臣字

謝湜 元豐八年乙丑科進士焦蹈榜官至國子博士

程伊川高第入京師過洛見伊川問曰何之曰將試教官

伊川曰吾嘗買婢而欲試之其毋怒曰吾女豈試者今求

為人師而試之其不為此媼怒者幾希湜遂不行著有易

義十二卷春秋義二十四卷總義三卷崇祀鄉賢祠

虞充 元祐三年戊辰科進士李常寧榜

謝潛 湜弟元祐三年戊辰科進士李常寧榜與兄齊名學術醇正議論剛方未嘗少貶以投時好嘗詆安石新法遂坐黨籍廢錮顛顛以至終身時頗惜之崇祀鄉賢祠
蹇汝明 紹聖中進士

古詢直 崇寧二年癸未科進士霍端友榜

王宗元 崇寧五年丙戌科進士蔡焜榜

吳詢 崇寧五年丙戌科進士蔡焜榜

李百藥 崇寧五年丙戌科進士蔡焜榜以上四人今通

志並作內江縣人

金堂縣志

卷五

選舉

五

王棠 大觀四年庚寅科進士賈安宅榜

王辨之 大觀四年庚寅科進士賈安宅榜以上二人今

通志並作仁壽縣人

李彝 政和二年壬辰科進士莫儔榜

徐熙迪 政和二年壬辰科進士莫儔榜

張密 政和五年乙未科進士何棗榜

古亶 政和八年戊戌科進士王昂榜

呂伸 宣和三年辛丑科進士何渙榜

謝思誠 宣和三年辛丑科進士何渙榜

樊汝霖 宣和六年甲辰科進士沈晦榜

沈道 建炎二年戊申科進士李易榜

張揆庭 建炎二年戊申科進士李易榜

張審 建炎中進士

錢復思 紹興二年壬子科進士張九成榜

雷友直 紹興二年壬子科進士張九成榜

任山 紹興五年乙卯科進士汪應辰榜

謝敦夫 紹興五年乙卯科進士汪應辰榜

謝忠厚 紹興五年乙卯科進士汪應辰榜

金堂縣志

卷五

選舉

三

盧如晦 紹興五年乙卯科進士汪應辰榜

虞杞 紹興五年乙卯科進士汪應辰榜

張湖 紹興五年乙卯科進士汪應辰榜

蹇懋 紹興五年乙卯科進士汪應辰榜

任雲濤 紹興五年乙卯科進士汪應辰榜

張在庭 紹興五年乙卯科進士汪應辰榜

張行 紹興五年乙卯科進士汪應辰榜

李繼 紹興五年乙卯科進士汪應辰榜

張寤 紹興五年乙卯科進士汪應辰榜

王定國 紹興五年乙卯科進士汪應辰榜

張公卿 紹興中進士

李 賁 紹興中進士

張觀國 紹興十八年戊辰科進士王佐榜

張過庭 紹興二十一年辛未科進士趙達榜

馮 賞 紹興二十一年辛未科進士趙達榜

李 珪 紹興二十四年甲戌科進士張孝榜

王 柄 紹興二十四年甲戌科進士張孝榜

李陽煥 紹興二十四年甲戌科進士張孝榜

金堂縣志 卷五 選舉 三

張康國 紹興二十七年丁丑科進士王十朋榜

王 珏 紹興二十七年丁丑科進士王十朋榜

李 憲 紹興三十年庚辰科進士梁克家榜

楊 丙 紹興三十年庚辰科進士梁克家榜

楊 穎 紹興三十年庚辰科進士梁克家榜

錢 盈 紹興三十年庚辰科進士梁克家榜

姚應變 紹興三十年庚辰科進士梁克家榜

仲大年 隆興元年癸未科進士木待問榜

任 虞 隆興元年癸未科進士木待問榜雁塔題名作

任虞未詳孰是

黎毓 乾道二年丙戌科進士蕭國梁榜

張宗 乾道中進士

楊澥 乾道中進士

任振 乾道中進士

張炎 淳熙中進士

賈子坤 字伯厚嘉定中進士官西河推官攝通判關外

被兵子坤與郡守陳寅誓死守城城陷子坤朝服與其家

十二口死之追贈承義郎通志忠義誤作潼川人選舉又誤作安岳人為西和州推官

金堂縣志

卷五

選舉

七

賈純孝 子坤孫為揚州教授受知李庭芝元兵下江南

二王在福州文天祥辟佐其幕累官右司轉朝散郎厓山

師敗純孝偕妻孥同蹈海死通志作抱二女同妻牟氏躍海死

賈昌忠 純孝兄景祐中與純孝同登進士

右自張正至張炎七十四人俱見通志及學宮雁塔題名

其年代出處則鴈塔加詳惜為風雨剝蝕難於辨認耳淳

熙以後歷光寧理度恭端曷七帝凡九十餘年科第姓名

俱無可考惟賈子坤賈純孝二人謹從

大清一統志采入又雁塔載有特奏各數十人殘闕頗多

茲僅錄其可考者於左

蹇 翔 皇祐二年特奏名官文學

袁 隩 紹聖元年特奏名官助教

黎 缺 卿 崇寧三年特奏名官文學

張士宗 大觀三年特奏名官文學

李國安 政和五年特奏名官文學

文 聳 政和六年特奏名官助教

王 詔 政和六年特奏名官助教

徐賓玉 政和六年特奏名官文學

金堂縣志 卷五

選舉

三

張彥輝 紹興四年特奏名官文學

沈 發 紹興四年特奏名官文學

盧如憲 紹興九年特奏名官文學

張良能 紹興十二年特奏名官文學

會 庾 紹興十二年特奏名官文學

任 熙 紹興十二年特奏名官文學

何宗韓 紹興十二年特奏名官文學

盧 岡 紹興十六年特奏名官文學

張孝友 紹興十六年特奏名官文學

楊 綰 紹興十六年特奏名官文學

蹇時缺 紹興十九年特奏名官文學

明廷榮 紹興十九年特奏名

李 崧 紹興中特奏名官助教

謝秉文 紹興中特奏名官文學

張真卿 紹興中特奏名官文學

唐 潮 紹興三十一年特奏名官文學

郭用中 隆興二年特奏名

楊大安 隆興二年特奏名

金堂縣志

卷五

選舉

三

任 黯 隆興二年特奏名

唐 濤 隆興二年特奏名

呂敦復 隆興二年特奏名

李 山 隆興二年特奏名

張光庭 年號未詳特奏名

呂 鈞 年號未詳特奏名

王觀國 年號未詳特奏名

李 昇 乾道二年特奏名

張祖慶 年號未詳特奏名

缺

鉞 年號未詳特奏名

袁

缺

年號未詳特奏名

右三十七人俱雁塔題名之可辨者其小註年代出處多漫滅難識不無錯謬姑存之以備稽考

明

朱 昭 洪武二十三年庚午科舉人官湖廣湘潭縣知

縣

劉 榮 建文四年壬午科舉人官陝西興平縣教諭

楊茂林 永樂三年乙酉科舉人

金堂縣志

卷五

選舉

三

趙 傑 永樂九年辛卯科舉人

周思學 永樂十二年甲午科舉人

蔡廷恕 永樂十二年甲午科舉人

嚴 敬 永樂十八年庚子科舉人

李 儀 永樂二十一年癸卯科舉人

羅 海 永樂二十一年癸卯科舉人以上二人俱見雁

塔今通志無李儀以羅海作巫山縣人

杜 銘 正統九年甲子科舉人十年乙丑科進士歷官

刑部尚書致仕性孝友與人誠信不欺能決大事辨疑

藏精明於渾厚經事五朝忠勤如一功成身退世稱完人
崇祀鄉賢祠

彭鏞 景泰中舉人

王銓 景泰中舉人天順中進士博學能文初官刑科
給事中多建白有直名擢河南左叅政得士民心崇祀鄉

賢祠

王珮 景泰中舉人

馮誼 成化元年乙酉科舉人

李顯貴 成化七年辛卯科舉人官某縣知縣

金堂縣志

卷五

選舉

三

張祥 成化七年辛卯科舉人八年壬辰科進士

張鵬 成化十年甲午科舉人萬歷十一年癸未科進

士官雲南太和縣知縣擢禮科給事中

吾鼎堃日記

張鶴洲先生行述曾祖鵬成化甲午科舉人與今通志
同而不言進士先生子孔昭履歷作隆慶辛未科進士
距今通志萬歷癸未前十三年而不言舉人以時代考
之云成化甲午者遠在百年宜有錯誤兵燹之後家世
凋零辛未癸未殆記憶之不真也行述履歷及張氏家

譜俱云崇祀鄉賢邑志有傳今志乘無存鄉賢祠亦闕
允宜補入

黃吉 成化十年甲午科舉人十一年乙未科進士

彭麒 成化十六年庚子科舉人官湖廣某縣知縣

彭璋 成化十六年庚子科舉人

高昇 成化中舉人

王資良 成化十九年癸卯科舉人二十三年丁未科進

士費宏榜初官兵部郎中遇事精審不紆不迫公卿咸禮

重之擢臨安守夷民雜處難治良大布恩信民愛之如父

金堂縣志

卷五

選舉

三

母雅重風教士經指授者咸登科第晚年吟咏陶然自得
崇祀鄉賢祠按通志人物類載金堂人現在鄉賢祠列位
可據其選舉志進士門作仁壽人舉人門又作成都人皆
訛也

許淳 成化十九年癸卯科舉人二十三年丁未科進

士費宏榜歷官雲南布政使抗逆瑾有直聲家居篤實謙
慎爲衆所服今通志人物類又作成都縣人

韓珍 宏治二年己酉科舉人

敖翔 宏治五年壬子科舉人

胡翔 宏治十四年辛酉科舉人今通志作資縣人

房玉節 宏治十七年甲子科舉人

李信 正德十四年己卯科舉人十五年庚辰科進士

楊維聰榜授翰林院庶吉士嘉靖初拜御史巡按浙江獨

持風裁一時貪墨望風解去奏革織造太監以剛直忤時

相遂毅然乞休搢紳皆重其風節崇祀鄉賢祠

李佳 信翁嘉靖中舉人

吾鼎壘日記

李氏家譜李信翁李仁李佳俱進士今通志無李仁亦

金堂縣志

卷五 選舉

三

未云李佳進士學宮雁塔題名字蹟漫漶不可詳考未
敢據也

胡憲 嘉靖中舉人

王表 嘉靖中舉人

陽銑 嘉靖中舉人

王崇義 嘉靖中舉人官貴州婺川縣知縣

李如相 信子字介菴工文詞嘉靖中舉人官山西樂平

縣知縣致仕後優游山水間以吟咏為樂號林下散人

何啟勳 嘉靖中舉人歷官雲南臨安府同知

敖選 字粉谷隆慶四年庚午科舉人萬歷二年甲戌科進士少孤貧嗜學不倦初官上海令痛革時弊請託不行擢廣西道御史巡按廣東彈劾不避權貴請告還家囊篋蕭然卒之日無以爲歛聞者感嘆崇祀鄉賢祠

張文煥 鵬子字兩江萬歷十三年乙酉科經元歷官湖廣澧州知州

羅應宿 萬歷中舉人

何廷福 萬歷中舉人

楊時春 萬歷中舉人

金堂縣志

卷五 選舉

三

韓承錫 萬歷中舉人

右自朱昭以下俱見通志及學宮雁塔題名惜爲風雨剝蝕所載鄉科會科年代出處不能詳辨無由采輯其脫逸姓名則尤不可得而知矣天啟崇禎以後全無可考雁塔又載有貢生數十人茲錄其可辨者於左

古鼎 洪武十九年歲貢生官雲南景東府推官

鄧恂 洪武二十三年歲貢生官陝西洋縣典史

何子安 洪武二十三年歲貢生官陝西蒲城縣縣丞

華應元 洪武二十六年歲貢生官雲南廣南府通判

王 缺 洪武二十九年歲貢生官山東臨邑縣主簿

耿復緣 洪武二十九年歲貢生官直隸安平縣知縣

徐 進 永樂五年歲貢生官陝西岐山縣知縣

周仕徵 永樂九年歲貢生官扶留縣縣丞

徐紹堅 永樂十二年歲貢生官某縣丞

侯文禮 宣德二年歲貢生官南京某主簿

牟 瓊 宣德七年歲貢生官南京上元縣知縣

葉 清 正統三年歲貢生官陝西靖寧縣判官

姜 勉 正統六年歲貢生官湖廣臨湘縣知縣

金堂縣志 卷五 選舉 三

徐 義 正統十一年歲貢生官南京武進縣

劉 哲 正統十二年歲貢生

李 榮 景泰二年歲貢生

刑思賢 景泰二年歲貢生官湖廣辰州衛經歷

楊 顯 景泰二年歲貢生

張 琛 景泰四年歲貢生

錢 通 景泰五年歲貢生

徐 睿 景泰六年歲貢生

楊 祥 天順中貢生

楊寬 天順中貢生

孫海 天順中貢生

由添雲 天順六年賜貢生

劉昇 天順六年賜貢生

劉忠 天順六年賜貢生

何俊 天順中貢生

張濬 成化中貢生

徐瓚 成化三年貢生官某經歷

劉珪 成化三年貢生官某主簿

金堂縣志

卷五

選舉

三

雍某 名未詳成化三年貢生

龔某 名未詳成化三年貢生

朱聰 成化三年貢生

蹇昌 成化中貢生

葉某 名未詳成化中貢生

周金 成化中貢生

黃某 名未詳成化中貢生

杜某 名未詳成化中貢生

杜浩 成化中貢生

杜紀 成化中貢生

周端 成化五年歲貢生

姚謙 成化中貢生

彭璧 成化中貢生官湖廣湘陰縣主簿

李達 成化九年歲貢生官廣西桂林府

韓文成 成化十一年歲貢生

劉輔 成化中貢生

申琳 成化十五年歲貢生

張傑 成化十五年歲貢生官崇慶州訓導

金堂縣志

卷五

選舉

三

周禮 成化十七年歲貢生官陝西醴泉縣訓導

王某 名未詳成化十八年歲貢生官江西袁州府訓

導

宋伯善 成化十九年歲貢生官湖廣沅陵縣知縣

謝新 成化二十一年歲貢官陝西隴州訓導

黃譽 成化二十二年貢生

劉文 宏治元年歲貢生官湖廣寶慶府訓導

王森 宏治三年歲貢生

彭珙 宏治五年歲貢生

杜本 宏治七年歲貢生

沈光 宏治九年歲貢生

張達 宏治九年歲貢生

馮憲 宏治十年歲貢生

李秉忠 宏治十一年歲貢生

趙欽 宏治十一年歲貢生

周善 宏治十二年歲貢生

周易 宏治中貢生

任倫 宏治中貢生

金堂縣志

卷五

選舉

三

何謙 正德元年歲貢生

杜欽 正德元年貢生

雍相 正德元年歲貢生

張仲 鵬父年代未詳副貢生官安岳縣教諭

鄭之民 萬歷中歲貢生官邵陵縣司理

張升雲 文煥子年代未詳府學歲貢生

敖泳貞 選子年代未詳恩貢生

張吾琦 升雲子崇禎八年拔貢生九年丙子科副貢生

考授司理未仕

右自古鼎以下至雍相凡六十九人俱見學宮雁塔題名其脫遺姓名及年代出處因字跡漫滅不能詳辨矣正德以後歷毅肅莊顯貞熹懷七帝凡一百四十年俱無可考惟張仲等五人從碑碣譜系采入又見他碑載有出仕數十人科第亦無考僅存官職輯錄於後以備觀覽

姚信 宏治中官商州訓導

杜瀾 宏治中官藩府紀善

張時中 正德中官清平司訓又見士女志

徐紳 嘉靖中致仕官職未詳

金堂縣志

卷五

選舉

三九

張輝 嘉靖中官藩府典膳

葉一清 隆慶中官山東范縣訓導

杜柱 隆慶中儒官官職未詳

李忠 隆慶中官教授

何金輅 萬歷中官教授

吳謂 萬歷中官巡檢

張以柏 萬歷中官典史

孫繼先 萬歷中致仕官職未詳

杜皓 官無錫縣丞年代未詳

敖滋貞 選子官雲南曲靖府同知一作廣西南寧府同知年代未詳

胡堂 嘉靖中省祭

徐文炳 萬歷中省祭

王自安 萬歷中省祭

杜江 萬歷中省祭

王傑 萬歷中省祭

杜三陽 萬歷中省祭以上六人俱為省祭蓋藩府官也

馮時美 年代未詳為某郡主儀賓故宅即馮氏廟

金堂縣志

卷五 選舉

罕

杜松 年代未詳為某郡主儀賓

胡逢吉 萬歷中為榮山縣郡主儀賓

國朝

嚴于屏 順治八年辛卯科舉人

張吾瑾 字石仙號鶴洲順治十一年甲午科經元十二年乙未科進士官山東夏津縣令擢行人司行人多善政

時有循良之稱致仕歸里猶常常建白以利後世鄉評重之詳見本傳著有鵲符堂詩文集和薛濤詩集崇祀鄉賢

祠

張鶴洲先生傳

邑進士 陳鈞陶萬

先生姓張氏諱吾瑾字石仙鶴洲其號也四川金堂人
系出楚黃麻城自始祖遷蜀世居縣之東關代有聞人
爲懷安望族高祖仲明副貢生任安岳教諭曾祖鵬隆
慶辛未進士任雲南太和令行授禮科給事中崇祀鄉
賢邑志有傳祖文煥號兩江中萬歷乙酉科經元歷任
湖廣澧州牧致仕歸里積德累行年九十有三父升雲
號凌漢專意舉子業數奇不遇以明經終當時稱爲醇
儒長者生子三長吾琦拔貢生考授僉判次吾瑋廩膳

金堂縣志

卷五

選舉

聖

生次則先生也先生幼而穎異七歲就外傳讀書目數
行下時有神童之稱十四補博士弟子員卽食廩餼督
學楚中何公稱爲士林翹楚厚相期待先生性純孝母
嘗有疾日夕祈禱請以身代沈疴漸愈人稱孝德所感
崇禎丁丑丁母憂值流寇犯蜀家世貲囊皆以亡散而
先生拮据營葬無不如禮壬午中副車甲申之變邑之
士庶屠戮無存獨先生同族孺人避難山中東奔西竄
備極艱危孺人有兒子姊妹各一俱顛連無依先生左
提右攜免於患難完其婚嫁二氏宗祧得以不絕者先

生力也追我

朝世祖章皇帝入關定鼎削平禍亂開科取士歲甲午先生遂以麟經舉於鄉乙未聯捷南宮授山東夏津令有築堡濬河諸善政爲上官所重兩經薦舉庚子鄉試同考壬寅內轉大行癸卯分房順天兩闈所得悉當時名俊德州田少司農綸霞先生雯武清李大中丞浣廬先生煒皆首拔士至今人以爲冰衡不爽云甲辰以磨勘解任繼奉

恩綸開復先生乃瞿然曰予得荷昭雪幸矣何事功名爲

金堂縣志

卷五

選舉

三

哉遂絕意仕進時三川弄兵無家可歸李浣廬先生敦崇道義迎至武清爲之卜廩治產敬事弗懈俾先生得抒內顧之憂自是遨遊於齊魯吳越間凡名山勝水莫不窮極討幽到處留題寄懷高曠先生初以得子爲艱乙卯年已六十餘乃生孔昭雖憐愛特甚而教必以義方歲丁卯奉有蜀紳同籍之

旨李浣廬先生爲權其路費專役護歸道經武昌適遇裁兵作叛間阻逾年戊辰冬杪乃抵成都時噶大中丞李大方伯以先生齒德兼優爲蜀耆舊代置宅第留寓會

城先生閉門却掃竿牘不至公庭亦不問家人生業口
惟博極詩古文詞一時碑銘傳記多出其手而五七言
近體則獨宗少陵所著有鵲符齋集和薛濤詩集行世
癸酉先生行年八十念切首邱於是草建數椽移歸故
里生計日拙家益清貧所幸浣廬先生爲當代人傑具
古君子風不遠萬里頻貽厚惠以故饗殮無缺兼有餘
貲可助善行如學宮文昌廟皆先生所捐金重建者也
時都江北條水利湮塞崇繁新金七邑之田耕獲無時
民皆疲病先生乃力請當事濬修三泊洞古埭酌定水

金堂縣志

卷五

選舉

聖

則里人德之爲建水利源祠坊報焉先生爲人中懷坦
白表裏如一雖疾惡維嚴間有嫌怨然過而輒忘未嘗
與較性尤謙抑卽田夫野老亦必與行賓禮話桑麻怡
笑談諧全如寒素精神故強健善飲酒每與二三好友
把杯暢談終夜不倦或至願椿園與孔昭大令課童僕
種竹蒔花追述鄉里故事絕無困憊之色宜先生之壽
逾九十而以無疾終也已先生旣卒邑人追念生平才
德名壽皆可稱述而於水利之績所惠尤溥因公舉於
縣以求詳報康熙三十一年奉

自崇祀鄉賢祠孔昭名晉生官河南鎮平令孫四長時欽
康熙庚子科舉人早卒次人鑑官真定糧馬河通判次
元鑑次景鉞皆隱居終老云

和薛濤詩集序

新城

王士正

阮亭

薛濤之名膾炙人口已千有餘年矣不意今日而得一
才子鶴洲年兄遙相唱和於數十世之餘人謂薛濤以
鶴洲重予謂鶴洲亦以薛濤重也薛濤字洪度唐時詩
妓也出入幕府受知於韋臯李德裕十一鎮令其時得
召入宮爲女校書使次第風雅主騷壇月旦不且與上

金堂縣志

卷五

選舉

四

官昭容並垂不朽哉而無奈其不然也語云紅顏多薄
命以予觀之才人尤多薄命男子而才每坎坷困頓白
首而不一遇女子而才往往憔悴飄零至於潦倒風塵
而委身爲樂部此古今所同慨而佳人才子常相感而
失聲也鶴洲年兄與洪度同地而不同時然酷嗜洪度
詩步韻盡帙而後已嗟乎鶴洲之愛才可謂至矣桓譚
生於東漢而識子雲之文蘇子瞻流寓惠州而細和淵
明之詩名賢聲氣曠代相感君子猶以爲難洪度一女
子也卽有錦心繡腸亦埋沉黃土耳異世好文之士安

能於香銷芳謝之餘取已腐之陳編字比而句協之以爲曲高能和也哉故洪度而有鶴洲洪度之知己也然有鶴洲不可無洪度洪度亦鶴洲之勝友也洪度詩香艷多風自是名家既能與元白諸公揚扝於千百年之前復能使鶴洲大雅賡和於千百年之後則鶴洲非獨與洪度相唱酬也直置身元白諸公之列而當時屬和所未盡者皆收拾錦囊中文章風月君家全載去矣鶴洲詩名不藉是而益彰哉而要之鶴洲和洪度詩非重其詩重其人也洪度本宦家女流落不偶而托於詩歌以自見鶴洲憐其志故借彼篇章以相發明不憚以鬢眉筆舌摹脂粉神情詩人之賦麗而有則非拾瀋於香奩效顰於玉臺也不然刻畫無鹽以唐突西子洪度有知能爲之首肯否

遙慟吟追輓張鶴洲鄉先達

鄭新命

勞生不勝愁幾能浩蕩隨白鷗桑海亦屢改鏡中容鬢不相待青青獨有歲寒松北邙山上鼓東風空處剛餘八尺土畱與弔鶴鶴洲公不知鶴去幾時迴吳山越嶠遊人哀遊人萬里外歌不聞露薤水遠山長天間之誰

信清霜凋玉芝束帶合棺下長夜永無期豐肌享蠖蟻
明器引魑魍談柄寂寥蒿里新墨池荒廢挂榻塵饑饉
呻兮老秋藤壽域暝兮黯漆燈楊風吹兮蕭蕭石雨洗
兮稜稜月白草短風淒露浣魂夢何歸誰爲賻館滄溟
淼茫無終極釋此積憂千載欵霓爲衣兮苔爲龕紛白
露兮不到杜城南赴修文兮赤虹驂百年人兮周易談
想旛旒之飛翰勸苗果之摧殘有淚臨風獨隕無翼高
飛誠難少年得第顏駟老白首遺經鄧林歡別後幾度
換春山先生下世永不還他年容我緡遺稿應許長留

金堂縣志

卷五 選舉

吳

天地間

蜀雅

綿州李調元 甫村

張吾瑾字石仙有趵突泉和趙松雪詩云常與江湖同
晝夜不隨春夏間榮枯又山居詩云朝雲起山南暮雲
起山北只有山中人朝暮看山色似古樂府

王鏞新 康熙八年己酉科舉人

鄭新命 榜姓徐字浣吾號拙菴康熙二十年辛酉科舉
人官浙江青田縣知縣著有九水吟集四卷集古詩一卷

讀史一則六卷

鄭浣吾先生傳畧

邑庠 陳達綱 扶三

浣吾鄭先生諱新命號拙菴原籍遂寧人周晬失怙撫於母熊孺人遭吳逆之變流離瑣尾幾不能全爰避金堂家焉稍長勵志讀書十餘歲卽串通經史時逆黨未平科停者二十年康熙辛酉始以徐姓籍游庠壬戌補鄉試乃登賢書壬午除授浙江處州府青田縣知縣甫下車卽以起衰振靡爲己任而獎善懲惡尤其所急縣署久廢蒞其地者皆僦居民間先生獨以爲

朝廷典章法度之所不可因循爰議建樹不數月而堂廡

金堂縣志

卷五 選舉

七

俱成乙酉鄉闈同考試春秋門下出者十七人四捷南宮兩士考雅愛其才許爲知己青田學宮舊址在東門外燬於火三十餘年春秋祭祀靡定先生乃爲倡建計始事及落成凡九年又劉文成公及仲子長史公祠向借爲常平積貯時有千年佛國先師廟百里倉廩長史祠之請先生亦加改正並闢帝廟文昌宮皆重修焉時值

聖駕南巡簡拔循良改授江蘇嘉定縣未及蒞任旋以疾終先生生平雅好文字有攜來就正者急爲點定猶恐

後時見或貧不自振輒令居署以成其業尤專精於考
古論斷必自己出得失死生無所繫懷惟肆力於詩雖
匆匆輿馬間亦吟哦不輟得句則急書懷鉛握槧先生
有焉所著有九水吟集四卷已鐫版青田其古文則散
佚多矣他惟讀史一則六卷集古詩一卷尙藏抄本於
鄭之瑾家之瑾先生曾孫也邑諸生

九水吟集序

龍門張之澄淮南

蜀遂寧鄭浣吾先生以孝廉高第通籍爲芝田令君履
荒殘衝疲之域盡仁關五字猶能於退食之頃讀史賦

金堂縣志

卷五

選舉

哭

詩豪邁

關六字

卓絕一時嚮上官傾耳其才微入

關七

字盛長安道上無有不景仰先生以爲作人雅望者也
予爲章安丞貳有年無刑名錢穀之擾頗得肆力詩書
尤於聲律之學細加揣摩新詩改罷自長吟以爲消遣
時日之地然求與勝已者游就正繩墨數年僅得師事
一人爲縉雲廣文張邁可先生耳餘如明府韓公范彭
浣廬博士陸蓋思錢補山諸君子商確風雅尙可勉當
旗鼓至讀先生弔古懷人感時詠物諸篇章莫不研尋
杜詩精義而忠信之忱仁愛之意悉本天性爲發皇真

覺清如月耀渾若天穹寘尼珠於領間擲碎金於地上
小巫氣折有筆墨欲斂之嘆矣詩至此懸之國門無易
也世固知川蜀代有傳人如漢之司馬長卿揚子雲唐
之陳伯玉李太白及宋之蘇氏父子文公文忠文定諸
名儒賦辭震世聲流千古迄今誦其文者無一不道益
州岷峨玉壘諸形勝山川秀發鍾毓特異人傑地靈信
不虛焉先生詩集一出吾知膾炙人口可必其名垂後
世而梵雲山水得毋因先生與金華並著也耶予終讀
伏首敢爲後賢一言康熙戊子年夏月

金堂縣志

卷五

選舉

兗

九水吟跋

青田 陳有綱 子振 諸生

九水吟者拙菴鄒夫子之所作也夫子西蜀孝廉宰青
田一十三年廉聲惠蹟浹於人心馳驅執掌出入勤勞
雖古良有司不是過也政事之暇弋釣書部鋒稜昔人
殆傳所謂仕學兼優者與其爲詩藻采烟雲進諸楮墨
賦物之工妍抒情之切摯不煩索摸奚假推敲蓋卽流
溯源先河後海或九水吟所以稱名之意乎余忝在門
下一介書生無所表見夫子憐其志恤其貧罄厥誨言
念及寒燠未嘗不爲之於邑欷歔也余以文戰不利未

敢分心於聲律庚寅正月之望爲夫子六旬初度躋堂
上壽有事必平心論詩多隨手裁之句夫子領之癸巳
中秋招集西亭賞桂卽席分韻夫子又曰是可與言詩
矣凡夫子以詩贈人每令余書故得稿爲多張又韓郎
起巖諸先生以夫子當九卿薦舉恐遷擢靡常稿或散
佚力請登之梨棗未竣事而夫子捐館嗚乎痛哉茲幸
三世兄予一謂斯舉萬不可已一生心血盡在此應窮
資就之得成卷帙焚告旅櫬是亦繼志述事之美節也
故紀之康熙五十四年乙未歲春正月

金堂縣志

卷五

選舉

辛

李 壇 康熙二十年辛酉科舉人

牟 淵 康熙二十九年庚午科舉人官浙江諸暨縣知

縣

劉祚昌 康熙二十九年庚午科舉人官黔江縣教諭

張晉生 吾瑾子字孔昭號適齋一號菊垞康熙四十一

年壬午科經元官河南鎮平縣令循績宜著致仕歸修四
川通志掌錦江書院藝林推重焉著有摭懷集時術堂文
集錦江書院存稿

鵲符堂紀

恩詩 併序

張晉生

辛丑十月初五日

上御乾清宮引

見六月分選官臣晉生由壬午科舉人掣選河南南陽府
鎮平縣知縣隨班得覲於宮陛間聞前此罕有引
見於此地者蓋異數也仰瞻

天顏和霽臣晉生蒙

皇上顧問籍貫家世甚悉感切屏營恭賦七言紀

恩律詩四首以誌隆遇兼勵官方云爾

金堂縣志

卷五

選舉

五

乾清宮啟曉微寒鶴立當階露未乾草莽姓名陳

玉案卑微衣履近

金鑿山呼繞陛班聯肅虎拜垂紳禮制寬此日趨踰蒙異

數宛然身列五雲端

桂籍叨登二十年除官欣覲

聖人前治隆化育參苓選德邁高澗雨露宣授簡敷陳書

履歷臨軒慎取擇才賢小臣何幸蒙

天語

上問你是四川人麼奏云臣祖籍四川因隨臣父在京做官所以聲音不像四川上云你像揚州人

聲氣奏云自幼從揚州先感勒生念書習慣了上微笑

殊恩奕世傳

濱海車書奏晏清
當軒遴選念民生

恩隆守土瞻依近

寵及先臣顧問榮

上問家世奏云先臣張吾瑾中
順治乙未科進士 上點首雉尾雲

移宮扇合螭頭日
暖泰階平含毫自愧如
蠅蚓惹得鑿

香兩袖盈

平明齋被向丹墀
仕版初登荷

主知霄漢身依窺
彩鳳河山

恩重伏文螭

蒙上問 三巴末學進
答良久

金堂縣志

卷五

選舉

三

宸眷一介微員動

帝垂製錦才疎思
補過惟操清慎凜無私

據懷集卷後題句

古樓 彭始搏

張堪為政有餘閒
吏治成於得句閒
不信比來公事靜

題詩春滿杏花山

妙取鑿輪心得餘
筌蹄忘處任清虛
陶公詩派繇來別

枉謂源流出應璩

尙憶風泉三峽裏
詩中清帶蜀江音
移情恍在空船水

側耳泠泠聽玉琴

毫釐得失判然殊作者云難識者孤千古文章寸心在不須皇甫重三都

趙銘 字近思少有神童之目年十二爲諸生十七中康熙四十四年乙酉 恩科舉人官直隸沙河縣知縣清白自矢沙民頌德歸田後年八十有八卒鄉人稱爲典型張時欽 晉生子字蔚宗號德輿康熙五十九年庚子科舉人

陳子錦 入新都籍雍正元年癸卯科舉人官河南濟源縣知縣

金堂縣志

卷五

選舉

三

周文理 雍正四年丙午科舉人官冕寧縣教諭

康景會 雍正四年丙午科舉人官山東樂安縣知縣

劉文沛 雍正四年丙午科舉人

史稽堯 雍正十三年乙卯科經元

楊允震 雍正十三年乙卯科舉人

黃甲 字曰松號蒼龍雍正十三年乙卯科舉人官邛州學正著有粹雅堂文集溪山詩集

史憲堯 稽堯弟乾隆元年丙辰 恩科舉人

陳鈞 字璇圖號陶萬乾隆九年甲子科經元十九年

甲戌科進士官潼川府教授著有補敬齋集六卷偶閒錄
二卷旋鄉紀事二卷搜餘雜記二卷春秋小紀一卷雅州
府志二十卷天雅傳信錄二卷綱目節錄二十卷醫纂四
卷地理管見四卷

陳陶萬先生傳

前署四川
鹽茶道 吳樹萱
吳縣人

陶萬先生姓陳氏諱鈞粵之長樂人雍正中歲二十游
蜀家於金堂以邑廩膳生領乾隆甲子鄉薦旋中甲戌
進士太夫人老改官先後任雅州潼川兩府教授歸田
後年九十卒先生豐頤美髯盜背碩腹粵之先世藏書

金堂縣志

卷五

選舉

五

幾十萬卷不二年蓋數過之少時雅意經世於天下山
川形便郡縣要衝民生利弊靡不研悉壯歲再客都門
比歸而先德已逝成進士後太夫人又老多病遂改官
以歸於經世之業未嘗忘也而無所用之矣乃深自韜
晦官儒官也惟以儒行事事有弟四人以二理外三專
事太夫人四五皆力農雅之郡距家僅數日以身往來
總持之子姪男女幾百人婚喪皆取給焉門以內雍雍
如也故太夫人雖多病而九十餘乃卒其養志者周也
先生之於文也無成見無定規雨集雲來千言立就其

崇論宏議如天風海濤不可方物精義名言如岳峙淵
澄不可窺測蓋積理多故其識偉積氣厚故其言渾時
文家數偶一爲之出則冠其軍論者謂亦當在隆萬啟
禎間往者西川張觀察見其文歎曰是那得復生大士
江陵名士朱遐唐亦云某三十年不見此種著作矣而
先生殊不自足也予每念先生高世之行不恒見之交
昔年爲蜀學使時過金堂欲見之而先生已高臥名山
倦酬應矣率詢邑人嘗記其數軼事先生居平衣履皆
有常所數十年不易不能悄聲語常語響皆如鐘日光

流景望者惕然然與之接皆近情咸如意而去鄉子弟
遠近從遊者先後千計諄諄教之詳且摯老而猶思遇
可怒事如迅雷驟雨不移時而春和盎然矣廣文例得
上諸生優劣於大府在官三十年所舉僅二次一則兄
弟二人並舉一則年未及冠皆得上等爲名下士或有
以小失爲大府所絀者念其孤寒而才數爲之辯大府
怒爭之不已曰吾官如寄耳此才可負也必得請而
止先德及太夫人之逝皆不獲與大小斂故年至八九
十不自壽親戚亦無敢言在潼川日郡守偕屬官及諸

生數百人強爲之祝避往他所競赴焉不待允而珍饌
列於鼎管絃奏於庭者三日家世忠謹至先生彌加有
子六人孫三十餘人曾孫十餘人從予遊者竺山卯生
二子能文章不改家行節他可知矣與人通有無不權
子母囊中物亦復不自記嘗之午炊家人持千錢市米
族有新沒而無棺者命先予之白以午炊則日行且籌
之晚歲鄉居家中落意境自如良辰佳日必率子弟詣
近宅先人墓山水勝處棕鞋桐帽往往有此老在無事
則長日默坐或手一二卷性好樹木小庭花草皆親植

金堂縣志

卷五

選舉

五

灌嘗自號復童丈人爲小傳以敘之極賓嘲客難之風
著書數十萬言于天文地理醫卜星圖之書糾正撰述
專門者咸以爲不及若補敬齋詩文稿四卷綱目節錄
二十卷陳氏家譜八卷則予嘗竟讀焉今先生返道山
久矣然予聞之西川言先輩者必曰陶萬先生云

高 辰 大成子字麗北號白雲乾隆十五年庚午科舉
人十六年辛未科進士授翰林院庶吉士改官江蘇清河
縣知縣著有困勉齋晚成錄樹耕堂詩草白雲山房古文
律賦駢體日記詩話選集全蜀詩匯

錦里新編

漢州張邦伸雲谷舉人

高辰字元石一字景衡號白雲金堂人性聰穎年十四補弟子員博通經史子集及醫卜相數天文地理靡不究心而尤精兵家言乾隆十二年丁卯金川用兵制軍策公節制諸軍進發灌口公時以諸生負奇氣詣轅門條陳山川形勢用兵機宜作戰取策千餘言上之制軍稱善而不能用秋闈舉於鄉辛未會試成進士授庶常壬申散館歸班回籍受當道聘掌教錦江書院造士最盛如李郎中漱芳張太史嚮姜禮部錫嘏李觀察調元

金堂縣志

卷五

選舉

七

王進士孫晉皆其門下士也癸未選授清河令逾年調震澤再調華亭震當太湖之浸鄰浙省歸安爲羣盜淵藪倚兩省交界易於藏奸公到任偵知王啟祥者名捕也年老爲僧乃結以恩使捕盜捕得劫水姓者楊二俱其魁繆二董七等十二人現伏歸安公移檄關取歸安令憚處分護匿不與公怒具稟兩省巡撫悉擒以來破積案數十盜風爲靖華邑海塘多甃碎石屢崩于潮公加巨木貫以鐵絙躬自堵築既堅且固以故乾隆三十四五兩年颶風屢作浙之蕭山海寧等處俱被災而華

亭獨無恙闔邑尸祝石紀功以垂不朽三十七年以卓薦陞禮部祠祭司主事三十九年授鳳陽府同知未任卒於京公好文愛士雖布衣童子苟有才必折節下之在官不名一錢清餘之餘悉以購書每遷一官則縹緗石刻壓車上糊糊然未仕時常爲大將軍岳鍾琪客將軍知其才授以翰墨勉其報國公慨然以經世自期當三十七年金川木果木失事時公奮然作色上書大府言自幼學兵法願棄官從軍以報朝廷大府壯之而未許也無何金川平卓異入都時見袁太史子才謂

金堂縣志

卷五 選舉

五

曰君知星象乎太白橫貫齊魯聞慮山東有盜潢池兵者袁笑以爲妄未幾果有王倫之變袁嘆曰白雲直奇人也時公已沒矣年五十一生平雄于文著有樹耕堂詩草晚成錄白雲山房詩文全稿若干卷

黃景 甲弟字師竹號紹芳乾隆十七年壬申 恩科

春闈舉人秋闈進士官湖北長樂縣知縣著有師竹齋文集龍溪詩集綠野叢談

黃紹芳先生傳畧

邑舉 陳達紀 協五

先生諱景字師竹姓黃氏紹芳其號也江西信豐人

正初偕伯兄曰松先生入蜀家邑之五賢坊後遷漢州
時先生年纔十八應童子試輒列前茅與伯兄同入膠
庠爲博生弟子員曰松先生工於文雖屢躋春闈而嘗
爲禮部尙書方靈臯公所器然素性崖岸以氣節自勵
初銓廣東鹽大使不就繼改邛州學正亦數年辭歸卒
年八十有二著有詩文集若干卷先生夙師事之乾隆
十七年壬申先生膺

恩科鄉薦時以三月鄉試八月會試先生遂聯捷會魁先
生有堂姪映峯先生諱彬字節文已早舉於鄉是年

金堂縣志

卷五

選舉

五

恩挑一等分發福建以知縣試用曰松先生亦以是年爲
同考試官而先生成進士昆季叔姪一時稱盛當時謂
之三黃映峯先生由惠安知縣歷永春廈門同知擢浙
江金華山西蒲州二府知府調署河東兵備道皆有循
良之目後以失察降調卒於官惟先生官湖北長樂縣
知縣終任而歸優游林下二十餘年掌教德陽新都什
邠漢州書院從游者以數百計其中膺選舉擢巍科蒞
顯宦者甚夥古所謂急流勇退者殆先生其人歟聞先
生令長樂時甚不欲爲能吏亦不願爲俗吏長樂故新

邑也其俗悍其民甕時方以新民舊民分徭役多不平將爲構釁而先生適至爲之體其事端愀然曰新民何逸舊民何勞此非民之咎官之失也風非不醇俗非不美不學無術古之人豈欺我哉於是爲之請立學宮設學額置書院教之以詩書禮樂之原勤之以切磋琢磨之益蓋酌劑其中而患已息於外矣夫教養者守土之責而天時地利尤人事之所宜完邑治瀕河當夏暑雨溪流泛溢城堵每多傾圯先生爲之相其衝殺度其饒減累土積石以厚之城不煩徙而河害永除長樂士民

金堂縣志

卷五

選舉

卒

至今稱道弗衰使非父母斯民之君子其誰肯爲之先生卒年八十有一嗜學之心老而不勸所著師竹齋文集龍溪詩集綠野叢談等書藏於家皆後學之模楷也先生生子三長諱今偉乾隆丁卯拔貢歷官越巒廳教授次諱吉才國學生三諱古來歲貢生先生孫士璿嘉慶戊午科舉人與余少同學爲莫逆交故得傳其容如此

徐思篁

字棲鳳號竹齋乾隆辛酉拔貢十八年癸酉科

經元官資州學正著有紀行詩一卷竹齋文集二卷

傅代傳 乾隆十八年癸酉科舉人

史元識 憲堯子乾隆十八年癸酉科舉人

劉宸 乾隆十八年癸酉科舉人

何世珩 字楚來號荆山一號思齋乾隆癸酉拔貢二十

四年己卯科舉人官山西長子縣知縣著有荆山集

何荆山先生紀畧

邑庠 陳一津 卯生

昔武進陶正作德政敘云乾隆四十年歲在乙未江南

薦饑大憲飛章入告我

皇上下發帑金分別災輕災重一賑再賑

金堂縣志

卷五

選舉

三

恩至渥也時常郡城西之欽風鄉查賑者為四川金堂人

荆山何公後宰金匱為我鄰邦父母者也查賑時寓我

南蘭里陶氏家廟中自備薪水毫不染於民豈弟慈祥

視民如子仰體

聖天子軫念黎民至意按戶稽查不敢濫尤不忍遺其已

入冊者仍之其未入冊者叩轅而請則補之風清雨潤

澤沛四郊不特一方戴德鄰境聞之咸為是鄉幸夫賑

貸為郵民

典要在奉行得其人耳往常見年不順成司保甲者報

災有費呈冊有費至遣官勘災更供億維艱胥隸又籍
端需擾其後查賑口冊如之資帑發賑時亦如之保甲
獨任其責輒至破產否則按畝而派仍取給於饑民而
惠與患乃參半矣或更罪保甲饑口冊繁而任意刪除
俾嗷嗷待哺者向隅而泣此其居心正不可問蘇子瞻
曰朝廷有德意奉行不得其人則盡屬空名此之謂也
如公之推廣

皇仁矜全餓殍可多得哉是當世之汲黯也一念之仁慈
卽萬民所托命其尹茲金匱而謳歌載道也固宜是歲

金堂縣志

卷五

選舉

三

正客游揚州未得見公及歸鄉人爲道其詳不覺肅然
起油然而興爰率吾鄉之受賑者於明年元旦稽首

北闕叩謝

皇恩畢卽西向長揖酬公之厚德茲歲又饑追念舊恩益
欲泣而欲歌偶成二律和者甚多並刻石以志公德亦
甘棠勿翦之遺意爾公名世珩號荆山四川金堂縣拔
貢己卯科舉人見任常州府金匱縣知縣並記官閣俾
思公者久而不替云由此觀之先生之遺愛深矣先生
素長於才歷官江蘇之金匱吳江江陰及山西之襄陵

安邑長子諸縣勤於民事案少畱牘夜以繼日曾無倦容故所至有聲嘗爲鎮江松江通判凡有利於民者必亟亟焉時松江屬邑有都台浦久淤塞屢濬無成先生往勘之以爲可辦遂條列事宜陳於制府同官或難之不爲動卒蕺其事迄今水患息而田疇得灌漑之利者皆先生力也先生家素貧自選拔來卽教授生徒而論文尤剴切以故諸邑之士於聽政餘閒咸樂與游謂得常領其言論丰采則益智已多當宰金匱時顧會元珏楊方伯揆皆未遇先生閱其文卽決於衆曰二子者今之偉器不日當飛騰雲漢豈久屈人下哉後果如所言一時服先生之藻鑑先生字楚來一號思齋學者惟稱荆山先生所著有荆山集若干卷藏於家子三長澤遠州同次椿齡拔貢三松齡蚤卒然津之得與二君游也先生之沒蓋已久矣

送荆山何邑侯調任吳江

金匱 顧光旭

作宰山水縣梁溪金匱山風流真愷弟蘊藉得蕭閒源自岷峨下清如廉讓間綺塍舉亦慧秀嶂石無頑俎豆東林啟旌旗北斗殷我初筮祚過君自沅湘還父老慈

戎馬芻糧隘劍關談兵方料敵足食一怡顏捧檄吟
黍開籠放白鷗三江天浩蕩萬里路彎環回憶題橋處
翻隨祖帳班野人當轍臥竹馬近轅攀教思無方體羣
材不踰閑葵心常敬畏鶴步欲蹒跚行矣來何暮遐哉
曷可扳佇看

天寵渥層疊 靈書頒

又

無錫 稽璜

水部風流舊擅名雲初奕葉起簪纓花溪自昔稱才藪
梅里而今見化成印綬頒時膺重簡

金堂縣志

卷五

選舉

畝

鑿輿迎處達羣情偶因扈

蹕嘉循吏知有封章報治平

又

無錫 杜玉林

我昔吏君土蜀尚訪鳳雛君今吏吾邑虛室懸冰壺相
去幾萬里作合良亦殊已亥奉 廷召奔走京華途故
鄉渺難接賢宰惟心孚南來頻有雁口碑無時無名實
既不謬出處信若符所期同報

主鄙意惟區區

彭悅桂 乾隆二十五年庚辰 恩科舉人官湖北鍾祥

縣知縣

廖希賢 乾隆二十五年庚辰 恩科舉人官直隸慶雲縣知縣

傅育賢 字哲楷號曉亭乾隆二十七年壬午科舉人掌

教繡川書院十餘年勤於課士造就人材以百計為人淳

樸無華時以嚴正自持誠後學之典型也卒年八十有三

著有山居集山谷草堂集

邱獻華 乾隆癸酉科副貢生三十年乙酉科舉人

傅育英 育賢弟乾隆三十年乙酉科舉人

陳維恒 繡子乾隆三十五年庚寅 恩科舉人官湖北

金堂縣志

卷五 選舉

五

應山縣知縣

伍禮彬 字均橋號鐵泉乾隆三十六年辛卯科舉人官

雲南永平縣知縣著有均橋集

曾懋 字用修號鶴溪乾隆三十六年辛卯科舉人著

有鶴溪集

會鶴溪先生墓誌銘

邑舉人 陳一涸 竺山

先生姓曾氏諱懋字用修號鶴溪先世廬陵人也唐光

啟間始祖諱延世遷於閩之南靖為閩人焉歷祖諱積

重明子鄉邑多警里之人感公之德也至今祀於社高

祖諱習信祖諱兆稷皆隱居以不仕稱雍正四年先生
父諱學志母賴氏始遷於蜀居合州次金堂最後居今
漢州先生生於蜀少有異稟就外傳時出言已驚父老
讀書不爲生計家中落館穀以資壯歲補博士弟子又
二十四年舉於鄉舉於鄉之又四年赴禮部試其入都
也自東川歷巴渝下夔巫放纜荆益間周覽鄧襄河洛
諸形勝有經世之志焉下第後策蹇關中經楊伯起馬
季常故里慨然太息謂君子之所以重於世者固有在
也故六閱月而歸曾氏居懷安廣漢間者數百家先生

金堂縣志

卷五

選舉

矣

首爲聚族立之祠量其富急肫肫如也中外子姪事不
以人已分待門生故人尤極周摯以視今之讀書人矜
氣節而尙浮華者果何如哉先生雖不屑屑於一遇使
得志必有爲閭里式者然而先生老矣先生少從家君
游其子與予爲世講卒之明年以狀來因述其顛末俾
藏之墓並以問世蓋先生之所以重於世者在此不在
彼也

輓鶴溪先生詩

陳一泖

前年屬我痴亭詩我適萬里走京師去年與我爲姻好

我又旅食華陽道生平失喜好弟兄伯勞飛西燕飛東
今年寄我書言是中元後自我得書時已是九月九書
中心事難爲言書成聞是臥牀前宗文奉簡冊宗武搽
丹鉛舉似伏生授書時手不能傳以口傳我從二十來
西川天涯飄泊及中年臥病厭聞江上笛多愁每拜兩
中鵬放眼乾坤容時輩盪胸日月聳吟肩親串祇數鶴
溪老經旬風雨西堂眠他時況有買山約欲買一邱更
一壑鴨欄周遭放琴樽花港從容載梅鶴嗟予向來心
期固如此祇今時事可知矣寒澌瑟縮風刁簫頽雲不
寐晨不餐兮心勞切

金堂縣志

卷五

選舉

七

動頑天高山鬼竊窺歌大招精靈來往泣伊蒿我胡爲
兮持書而長號嗚呼我胡爲兮持書而長號使我夜不
寐晨不餐兮心勞切
陳汝達 乾隆三十六年辛卯科舉人官浙江永康縣知
縣

易秉經 乾隆三十九年甲午科舉人官會理州學正
李時華 入華陽籍乾隆三十九年甲午科舉人見官汶
川縣教諭

羅德珮 乾隆四十四年巳亥 恩科舉人見官青神縣

教諭

鍾廷華

乾隆四十四年己亥

恩科解元見官山東臨

淄縣知縣

張崇德

乾隆四十四年己亥

恩科舉人官蘆山縣教

諭

李組

乾隆四十四年己亥

恩科舉人

傅秀漳

育賢子乾隆四十八年癸卯科舉人見官浙江

鎮海縣知縣

陳守模

乾隆五十一年丙午科舉人

金堂縣志

卷五

選舉

矣

陳達經

字惇九號常齋乾隆五十四年己酉 恩科舉

人見分發山東候補知縣

賴德輝

入華陽籍乾隆五十四年己酉 恩科舉人

李確成

乾隆五十四年己酉 恩科舉人入成都籍

莊廷重

乾隆五十七年壬子科 恩賜舉人時年八十

王灝

乾隆五十七年壬子科 恩賜舉人六十年乙

卯科

恩賜進士授翰林院檢討銜時年八十有八

陳暹

鈞子原名一泐字元汗號竺山乾隆五十九年

甲寅

恩科舉人

張萬朋 乾隆六十年乙卯科舉人

陳達維 達經弟字子持一字紹初嘉慶三年戊午科舉人見分發陝西候補知縣

王六鼇 原名慕旦嘉慶五年庚申恩科舉人見分發

山東候補知縣

梁起祥 字承吉嘉慶九年甲子科舉人

陳達紀 達經弟字協五號芝山嘉慶十二年丁卯科舉人

傅秀渭 代傅孫字遇川號葉舟嘉慶十五年庚午科舉

金堂縣志

卷五

選舉

堯

以上文科

傅 雯 康熙三十八年己卯科武舉

敖于江 康熙五十九年庚子科武舉

劉永昌 雍正中武舉乾隆元年丙辰科武進士官嘉慶

都司

康景珂 乾隆三年戊午科武舉四年己未科武進士候

選衛守備補充駐京提塘

徐秉耀 乾隆六年辛酉科武舉官雲南奇兵營都司

陳維綱 乾隆六年辛酉科武舉

徐文耀 秉耀兄乾隆九年甲子科武舉

陳懷亮 乾隆九年甲子科武舉

馮良會 乾隆十二年丁卯科武舉官貴州營千總

敖柱 于江子乾隆十二年丁卯科武舉

黃延魁 乾隆十五年庚午科武舉

陳守相 乾隆十七年壬申 恩科武舉歷官雲南鶴慶

鎮右營守備擢貴州黃平營都司

楊瑞 乾隆十七年壬申 恩科武舉官雲南廣羅協

千總

金堂縣志

卷五 選舉

七

趙大成 銘子乾隆十七年壬申 恩科武舉歷官雲南

督標守備

梁毓榮 乾隆二十四年己卯科武舉

劉繩祖 乾隆二十四年己卯科武舉官湖北鄖陽府大

河口營千總擢守備

朱廷璋 乾隆三十三年戊子科武舉官阜和營守備

杜作宗 乾隆三十五年庚寅 恩科武舉

夏廷相 乾隆三十五年庚寅 恩科武舉

魏嘉霖 乾隆三十九年甲午科武舉

岳廷桐 乾隆三十九年甲午科武舉官射洪汛把總

鄭一瑛 乾隆四十二年丁酉科武舉

何騰望 乾隆四十五年庚子科武舉

陳慶堯 乾隆五十一年丙午科武舉

鄭萬鳴 乾隆五十一年丙午科武舉

劉綱 乾隆五十四年己酉 恩科武舉五十五年庚

戌科武進士

張標 乾隆五十七年壬子科武舉補充駐陝京腰塘

鄭鳴臯 乾隆五十七年壬子科武舉

金堂縣志

卷五

選舉

七

謝簡能 乾隆五十七年壬子科武舉

陳紹齡 乾隆五十九年甲寅 恩科武舉

邱鍾華 乾隆六十年乙卯 恩科武舉

喻文昶 嘉慶三年戊午科武舉

鄭萬榮 嘉慶三年戊午科武舉

張廷彪 嘉慶九年甲子科武舉

羅金榜 年代未詳武舉 以上武科

右自嚴于屏以小俱

本朝鄉會科第年代出處謹彙輯而備載之外此有副榜

恩貢拔貢優貢歲貢俱稽其姓氏按其年分彙列利第條以並昭其盛云

朱世桂

張兌生

本張吾瑾妻兄敖姓之子隨姑避難吾瑾撫為

已子厥後仍復本姓

李 莊

張居儀

以上四人通志俱作

恩貢生其年代出處未

詳

楊棟榮

康熙中拔貢生官隄為縣教諭不計修脯督學

金堂縣志

卷五

選舉

三

宋衡陳瓊俱重之擢夔州府教授士為禱以勒其德見嘉定府志

何廷璧

康熙中拔貢生官丹稜縣教諭

陳 繡

字素先雍正元年癸卯科拔貢生官綦江縣教

諭性純謹敦孝友教人以躬行實踐為先鄉里稱為長者

卒年遺孤維恒甫三歲後以弱冠領乾隆庚寅科鄉薦任

湖北通判人以為盛德之報云

米萬石

雍正四年歲貢生

高大成

雍正七年己酉科拔貢生任陝西華州州同

高繼萃 字蔚宗號晴峯雍正十三年乙卯科拔貢生博
學淹雅工書畫歷官雅州府教授勤於課士先器識而後
文藝一時人士咸推重之著有二雲詩集藏於家

陳大綸 字非譽乾隆初年拔貢生博文強識言動惟謹
於後學多所造就雍正中協同張晉生分纂四川通志搜
羅考覈頗著勤能

謝子慎 乾隆初年歲貢生

馮德純 乾隆中歲貢生

丁國華 乾隆十五年庚午科副貢生

金堂縣志 卷五 選舉

楊必輝 乾隆二十一年歲貢生

敖于海 于江弟歲貢生

凌 澣 官貴州仁懷縣教諭

嚴文燦 官合江縣教諭

張秉鈞 兌生子歲貢生官巴州學正

凌子徹 澣孫歲貢生

陳 細 繡弟歲貢生官渠縣教諭

康景海 官重慶府教授

陳 綵 繡弟歲貢生

徐盛先 官潼川州訓導

梁正邦 官彭縣教諭

徐天亨 拔貢生官碁江縣教諭

陳濟 歲貢生官資州訓導

何佶 歲貢生官昭化縣教諭

陳維綸 歲貢生

陳宏猷 貢生

蘇祖簡 貢生

吳重志 貢生

金堂縣志 卷五 選舉

七

何廷聰 貢生

熊 歲貢生

徐天奇 歲貢生

徐德鵬 歲貢生

鄧 煥 貢生

朱孔陽 雍正中貢生

苟彥升 歲貢生

右自敖于海以下凡二十四人有得自耆舊傳聞者有從碑碣譜系中摘記者年代科名出處不能詳晰蓋省志既

未登載而縣署自乾隆二十六年被火檔案不全且年遠無從咨訪大概皆乾隆二十五年以前至康熙中人士也特彙錄之以俟續加考証

李廷樾 乾隆二十五年歲貢生

鍾 雯 乾隆二十六年辛巳科 恩貢生

張連升 乾隆二十七年歲貢生

梁 楷 乾隆二十九年歲貢生

康濟隆 乾隆三十年乙酉科拔貢生官南溪縣教諭

黃鶴榮 乾隆三十一年歲貢生

金堂縣志

卷五

選舉

七

周士元 乾隆三十三年歲貢生

高兆魯 辰子乾隆三十三年優貢生

鍾 霖 乾隆三十五年歲貢生

蔡世瑾 乾隆三十六年辛卯科 恩貢生

史述唐 乾隆三十七年歲貢生

謝道成 乾隆三十九年歲貢生

秦正儒 乾隆四十一年歲貢生

李 振 乾隆四十三年歲貢生

李春華 乾隆四十五年庚子科 恩貢生

周一啟 乾隆四十五年歲貢生

李茂昭 字素山乾隆四十八年 恩貢生丁詩著有素

山詩集

李素山詩稿序

邑翰 林 高 辰 白雲

李子素山與予居同里少同學兩人年相若胥趣亦畧同嘗三日不見則必詢所為蓋始終以志業相勗而中間聚散離合之迹不復問也素山多才嗜奇屢不得志於有司往往抗懷千古不可一世而奇情一以寄之於詩其詩不拘拘規摹古人而亦不蹈於時蹊如集中所

金堂縣志

卷五

選舉

美

載匠心獨出勃勃有英雄氣猶憶已巳之夏素山將應院試予作序言勉之行已而果受知學使繼復食餼其得補博士弟子予嘗謂同人曰士苟懷才負異卓然不同流俗之見者奚患無知遇哉至是三戰鄉闈不第而其文益奇詩益工蓋天所以老其才而使之積學有待非無意也念予駕駘先駕歲辛未倖捷南宮濫窺中秘其睽隔以來郵筒往復寄我新詩每質有識則想望羊采而願交我素山者比比也癸酉春予解選暫歸時素山開館里中去傲廬僅隔一溪予朝夕過溪輒為竟夜

談唱酬篇什哀然成帙傾倒淋漓時人莫知其故嘗恐
自茲以往東西南北各不可知而山林朋友之緣造物
不輕以予人也雖然予於素山豈獨以其詩哉夫古之
君子出則交當世之賢豪投編贈紵傳爲美談入則尚
友古人意氣相孚千載如親彼幸而生同時則如延陵
季子之於國僑叔向之贈答不幸而後先不遇如諸葛
武侯之竊比管樂張齊賢之慕李大亮此其人之性情
胸趣固自有真而豈一一爲流俗人道哉且素山蘊奇
蓄異久不得展亦嘗困於流俗之口矣而愛之者又僅
以詩詞目之予獨謂非然夫極素山之才可以嗣其家
鄴侯一流予所以嘗有宦成身退峩峩玉壘之約然究
未知造物者之位置我二人果如何也予因序其詩而
並及之乾隆甲戌孟夏月

朱廷珠 廷璋弟乾隆四十七年歲貢生見官宜賓縣訓
導

陳汝或 汝欽弟乾隆四十八年府學歲貢生見官三臺
縣訓導

陳達純 乾隆四十八年癸卯科副貢生

杜作宸 乾隆四十九年歲貢生

羅亨文 乾隆五十一年丙午科 恩貢生

蕭令儀 乾隆五十一年丙午科副貢生 歷官山西解州

州判

陳國典 乾隆五十一年歲貢生

姚天福 乾隆五十二年府學歲貢生

王照 乾隆五十三年歲貢生

劉應槐 乾隆五十四年己酉科拔貢生 見官山西平定

直隸州州判

金堂縣志

卷五 選舉

五

巫珍儒 乾隆五十五年庚戌科 恩貢生

巫泰巖先生傳畧

陳達紀

先生姓巫氏諱珍儒字泰巖號甘泉為人孝友敦朴寬

厚和平以廉靜自持布衣蔬食宴如也與人交好咸盡

其肫摯遠近皆愛敬之其教子弟必以行誼為先故前

後生徒以百人若登賢書舉明經入太學游庠序者甚

衆尤喜 孝義訓家女年十九矢志撫孤苦節三十餘

載猶時 以無忘外家教自勗勵他可知矣先生生平

嗜學不弛於經史諸書手不停披口不停誦孳孳若恐

不汲者老而彌篤人或勸之曰精神愈用則愈生我雖老恐少年正不如我也今生不能登科第入仕籍有所建白以顯揚祖父乃吾命也惟多讀來生書以遂此志耳晚年嫻習導引之法素喜爲青烏家言嘗與親友登山涉水步履輕捷雖健行者猶往往弗及鶴髮童顏望見者咸以爲神仙中人云享年八十有八無疾而終著有甘泉詩草大中要論地理匯編選擇辨疑詩法纂要作文要語藏於家子光笈爲邑諸生

張天亨 乾隆五十五年歲貢生

金堂縣志

卷五

選舉

堯

曾家彥 乾隆五十七年壬子科 恩貢生入梓潼籍

徐運昌 乾隆五十七年歲貢生

張紹齡 乾隆五十九年歲貢生

徐殿元 嘉慶元年丙辰科 恩貢生

熊在綱 嘉慶元年歲貢生

羅彥博 嘉慶三年歲貢生

黎廷玉 嘉慶三年府學歲貢生

楊廷貴 嘉慶五年庚申科 恩貢生

梁映川 嘉慶五年歲貢生授例加捐教諭卽用見候部

選

張懷澍 嘉慶六年辛酉科府學拔貢生

何椿齡 世珩子字竹友嘉慶六年辛酉科府學拔貢生

馮國柱 字稷山號蔗田嘉慶六年辛酉科拔貢生見官

秀山縣訓導

熊清 嘉慶七年歲貢生

陳徵泰 嘉慶七年歲貢生

巫光宸 嘉慶九年歲貢生

賴翰成 嘉慶十一年歲貢生

金堂縣志

卷五

選舉

今

秦應旂 嘉慶十二年丁卯科副貢生

張煌 嘉慶十三年歲貢生

黃觀 嘉慶十五年庚午科 恩貢生

吳家駒 嘉慶十五年歲貢生

李在墀 嘉慶十五年優貢生

葉炳 入成都籍嘉慶十五年庚午科副貢生

援例

張人鑑 晉生子雍正中監生官直隸真定府糧馬河通

判

伍鵬 字冲霄號滄洲乾隆中監生官廣東豐順縣
坑司巡檢

陳守槐 乾隆中官廣東州吏目

胡啟淳 乾隆中官直隸天津巡檢

羅福洪 乾隆中官福建尤溪縣高才司巡檢

蕭永寧 乾隆中官福建崇安縣典史

羅德鼇 乾隆中官雲南典史

陳汝欽 細子字省齋乾隆四十一年監生官浙江烏程

縣南潯鎮巡檢

金堂縣志

卷五 選舉

全

黃世杰 乾隆五十四年吏員官湖北鄖縣黃龍鎮巡檢

康濟鴻 入華陽籍乾隆五十九年廩貢生官順慶府訓

導擢涪州學正

曾繡華 嘉慶三年廩貢捐訓導分發試用

俸光祖 嘉慶四年監生官安徽太和縣洪山司巡檢

伍載書 禮彬子嘉慶五年監生捐縣丞雙月見候部選

李顯庸 嘉慶六年監生官貴州黔西州吏目

梁映川 嘉慶五年歲貢捐教諭即用見候部選

俸常榮 光祖子嘉慶十年監生捐未入流分發湖南試

用

康樹基 嘉慶十年監生捐從九品卽用見候部選

康樹型 嘉慶十二年廩貢生捐訓導分發試用

行伍

明

李文清 洪武中千戶

雷亮 宏治中松潘衛百戶

雷瑀 亮子 宏治中松潘衛百戶

國朝

金堂縣志

卷五

選舉

全

徐尙朝 明崇禎時軍士狀貌雄偉武勇絕倫鄉人因其

鼻大呼爲徐大鼻少遇流賊之亂帥民兵捍衛鄉閭與李

定國戰中流矢貫頰猶力戰三日殺傷甚夥賊欲生致之

卒不可得康熙中從征臺灣累功授福建同安鎮副將奏

凱後以年老引 退道遙林下曾讓已業開堰渠左近農田

悉資灌溉里人至今德之

徐贊魁 秉耀 子乾隆中任雲南頭司營把總

熊廷耀 由武生入行伍乾隆中任四川督標千總擢

守營守備

黃玉堂 銚子字寶齋嘉慶年歷官四川督標右營守備
為補都司

胡占魁 嘉慶年任四川綏寧協標右營把總

徐文斗 嘉慶年任四川提標右營把總

黃裳 嘉慶年任四川維州協標右營外委

金堂縣志

卷五

選舉

全

